

無上祕要四十六卷之四十七

子九

无上秘要卷之四十六

同卷四十七

子九

昇玄戒品

昇玄五戒

道言夫色慾敗事實不可行而世間賢愚貴賤皆亦同願唯有道士乃能執志堅持教戒以自檢縛行止舉動心不傾邪在於愛欲之間終不一違

若見色利榮華豔彩以戒掩目

若聞好惡之言五音之屬以戒塞耳

若有八珍之饌甘香之美以戒杜口

若願想財貨七寶奇珍放情極欲以戒挫心
若憶姦媼貪趣惡事以戒折意

能行此五事者七祖生天衣飯自然身得神
仙白日登晨如其尸解轉輪成真賢者精誠
奉之也若男若女不能承用不肯受持無可

子九

如何吾寧與人萬金不書此言道陵子當擇
人而授勿泄真文太上道君仍頌偈曰

煩惱是何物 悉從身中生 目覩榮麗色

耳洞五音聲 口甘八珍味 心想財貨榮

意貪姦媼事 手足爲之行 五惡既不住

考對在兆形

永與生道隔

幽鬼歿鬼囚

罪畢出所在

有人而無情

奉戒不行惡

掩塞五心門

目不視綺容

耳不采聲煩

口不饗美甘

心不愛錢財

意無姪向想

手足不去來

五惡寂住停

考對焉從宣

永與真道合

不復零鬼官

功積從戒起

白日登玉晨

目以色為讎

初不欲一見

耳以音為讎

初不願欲聞

口以味為苦

初不以自薰

心以寶為石

初不為想戀

意以奸為賊

初不欲同貫

足以夷為岨

初不樂步端

五者同一路

初不傾邪看

若能如是者

所謂妙中難

難中既能通

滓滯無由安

身清神則寧

皇一守丹田

行備由內起

致得昇冲天

子九

二

道言奉法行道當勤修身當堅精進當久持

戒當固專念當執諦想莫不存道去邪去惑

去妖去偽去姪去慾除棄衆非以為包真是

先勞後報度身昇仙當期當來勿覩目前

一者不得姪泆志念在邪勞神損精寃鬼不

守正氣離去邪來合前

二者不得情性忿怒心湧發憤口泄揚聲呪
詛罵詈振動天地神不佑人身中真官上訴

三天注名罪目萬不得仙

三者不得含想毒念嫉妬於人天人糾筆地

官奏言注名黑簿考至殺身最不可犯害及

子孫

四者不得飲酒迷亂荒濁穢身變易常情不

崇戒文不畏官法不敬父君不識骨血為慾

姪牽鬼鬼悲號穢注五神罵詈恣口反逆不

順天遺其殃身受禍患

五者不得貪利錢財末世多偽人情凶弊或
於便宜動謀賊害財是身離何用財為有而
不積當種福地空堂清室名為仙家

有此五者不可一犯喻如履冰之險蹈室之

子九

三

危罪定考至而不悟知賢者坐起卧息深用

自戒

與右出昇玄內教經卷第七

昇玄九戒

太上告道陵曰夫欲慕道求修大乘之法當

樂志虛无要修行順戒奉而行之道立可得
但當奉受其戒勤行其事吾當遣衛戒將軍
吏兵二十四大神以相衛護斷絕惡道度著
善地動遇吉祥不遭凶橫早絕死道速致仙
度曉空無訣明虛無意必獲上道也

第一戒曰身不得貪狠恣性驕奢放逸蒙冒
身禍誕縱自恣甘惡為非過有華飾口耽脆
滑柔軟自適無有厭足不知動入罪目不能
自覺身之罪大不可稱計不得身犯不得教
令於人攝意持戒終身奉行是吾太上太上

太乙第一戒也

第二戒曰心不得與惡想惡念不得形想評
想貪欲務得蒙冒財利貪毒陰賊謀議高戾
貪欲饗味無有厭足不知動入罪網不能自
覺心過之罪大無有極不自心興不得教令
於人攝意持戒終身奉行是吾太上太上太
乙第二戒也

第三戒曰口不得妄言善惡呪詛罵詈欺誑
妄語幻惑兩舌鬪訟交䟽持人長短自作是
非生災造害興出無端鬻術街道法誨誦嗟詠

吟嘯歎息貪美嗜味無有厭足不知動入罪
網不能自覺口過之罪大無有極不得口犯
不得教令於人攝意持戒終身奉行是吾太
上太上太乙第三戒也

第四戒曰手不得殺害衆生蚊行蠕動含血

子九

四

之屬皆不得殺劫掠強取奪盜偷竊取非其
物捨遺取施執持兵器興用非法不知動入
罪網不能自悟手過之罪罪之莫大不自手
犯不得教令於人攝意持戒終身奉行是吾
太上太上太乙第四戒也

第五戒曰目不得視非道非法非義榮華容
飾姪視女色照耀盈目貪欲洋溢綺麗珍寶
姪邪妖孽不正之色目為心候主收百凶來
致禍毒罪釁致集一皆目致心目口手致殃
禍主動為患端收罪之首心目口手致罪之
府不可不迓不可不伏不可不慎不可恣之
不知動入罪網不能自悟目過之罪罪之莫
大當宣目戒勸化一切豈能戒目心想自一
滅想滅意空空無無著入無便得道慧攝
意持戒奉行不廢是吾太上太上太乙第五

戒也

第六戒曰耳不得聽八音五樂姪聲妖蠶惑
亂亡國妖偽之樂無有厭足不知動入罪網
不能自悟耳過之罪罪亦復大不自耳犯不
得教令於人攝意持戒終身奉行是吾太上

子九

五

太上太乙第六戒也

第七戒曰鼻不得貪香惡臭妄察善惡不知
動入罪網不能自悟鼻過之罪罪亦為次不
自鼻犯不得教令於人攝意持戒終身奉行
是吾太上太乙第七戒也

第八戒曰足不得蹈非義踐非法不涉惡履
非妖姪境界不知動入罪網不能自悟足過
之罪罪亦為次不自足犯不得教令於人攝
意持戒終身奉行是吾太上太上太乙第八
戒也

第九戒曰不得放情任意強興神器攻非勝
敵精消神散三氣亡逸放心縱恣無有厭足
不知動入罪網傾宗滅族不能自悟如斯之
罪罪之莫大不自身犯不得教令於人攝意
持戒終身奉行是吾太上太上太乙第九戒

也
罪右出昇玄內教經卷第九
不昧
洞玄戒品
洞玄十戒

天尊言能受是十戒修行如法十方天官無
不衛護必至得道子若遍世界不盡十者九
八七六乃至於五擇其能者然五戒之福福
亦難稱子其廣勸衆生苟重聞或不喜猶一
二觀縷委曲開悟
一者不殺當念衆生

二者不姪犯人婦女

三者不盜取非義財

四者不欺善惡反論

五者不醉當思淨行

六者宗親和睦無有非親

子九

七者見人善事心助歡喜

八者見人有憂助為作福

九者彼來如我志在不報

十者一切未得道我不有望

師右出洞玄思微定志經

洞玄十善戒

- 一者不得嫉妬勝已抑絕賢明
- 二者不得飲酒放蕩穢亂三宮
- 三者不得姪犯他妻好貪細滑
- 四者不得棄薄老病窮賤之人
- 五者不得誹謗善人毀敗同學
- 六者不得貪積珍寶弗肯施散
- 七者不得殺生祠祀六天鬼神
- 八者不得意論經典以為虛誕
- 九者不得背師恩愛欺詐新學

十者平等一心仁孝一切

諸行著足當避十惡遠於盲道

洞玄十惡戒

一者飲酒姪色貪慾無已

二者陰賊世間訛謗道士

子九

三者輕師慢法傲忽三寶

四者竊取經書妄宣道要

五者借換不還欺誘萬民

六者殺生貪味口是心非

七者不孝背恩違義犯諸禁戒

八者誦經忽略嘖嗃自是

九者責望人意嗔恚四輩

十者意斷經音損益聖典不信宿命快情所
為穢慢四大不念生道

右出洞玄智慧經

洞玄智慧十戒

天尊告曰第一戒者心不惡妬無生陰賊檢
口慎過想念在法

第二戒者守貞讓殺愍濟群生慈愛廣救潤

及一切

第三戒者守貞讓義不姪不盜常行慈念損
已濟物

第四戒者不色不慾心無放蕩貞潔守慎行
無玷汙

第五戒者口無惡言言不華綺內外中直不

犯口過

第六戒者減酒節行調和氣性神不損傷無
犯衆惡

第七戒者不嫉人勝已爭競功名每事遜讓

退身度人

第八戒者不得評論經教訾毀聖文躬心承
法恒如對神

第九戒者不得鬪亂口舌評詳四輩天人各
恨傷損神氣

第十戒者舉動施為平等一心人和神穆行

常使然

洞玄智慧十二可從戒

天尊言夫為學者修齊求道開度天人作諸
善功當行十二可從戒

第一者見真經出法開度一切便發道意心

願後世得登大聖

第二者常行慈心願念一切普得見法開度
廣遠無有障翳

第三者好樂經教深遠既見達意志堅明開化
愚闇

第四者尊受師訓廣開勸化今入法門遠離
盲道

第五者信向玄妙尊奉經訣晨夕誦習無有
怠倦

第六者不務榮華斷俗因緣專心定志所營

在法

第七者勤誦大經願念一切廣開橋梁為來
生作緣

第八者恒生善心不邪不偽無嫉無害無惡
無妬

第九者在所墮子九生常值聖世與靈寶法教相
九

值不絕

第十者潔身持戒修齋建功廣救群生成得
度脫

第十一者學業廣覽宣通同法預以天人普

令開度

第十二者常與明師世世相值受教宣化度
人無量一切善心皆得道真

智慧閉塞六情上品戒

第一戒者目無廣瞻亂諸華色亡精失瞳光

不明徹

第二戒者耳無亂聽混於五音傷神敗正惡
聲啼吟

第三戒者鼻無廣芳雜氣臭腥易有混濁形

不澄正

第四戒者口無貪味脂薰之屬濁注五神臟
腑憤憤
第五戒者手無犯惡不竊人物貪利入己禍
不自覺

第六戒者心無愛慾搖動五神傷精喪氣體

發迷亂

智慧度生死上品大戒

其一者見人窮急度其死厄見世明達能制
凶逆年命長遠世享无極

其二者見人窮乏饑寒困急損身布施令人

富貴福報萬倍世世歡樂

其三者含血之類有急投人能為開度濟其

死厄見世康強不遭橫惡

其四者施惠鳥獸有生之類割口飴乏無所

愛惜世世飽滿常在福地

子九

其五者度諸蠢動一切衆生咸使成就無有

十

夫傷見世興盛不履衆橫

其六者常行慈心愍濟一切放生度死其功

甚重令人見世居危得安居疾得康居貧得

富舉向從心

智慧十善勸助上品大戒

一者勸助禮敬三寶供養法師令人世為君子賢孝高才榮貴巍巍生為人專門族昌熾二者勸助治寫經書令人世世聰明博聞妙蹟恒值聖世見諸經教能誦章句

三者勸助建齋淨供令人世世門戶高貴身登天堂衣食自然常居無為

四者勸助香油衆之令人世世芳盛香潔光明容眸絕偉天姿高秀

五者勸助法師法服令人世世長雅逍遙中

國不墮邊夷男女端正冠冕玉佩

六者勸事國王父母子民忠孝令人世世多

嗣男女賢儒不更諸苦人好世來盈香燭光

七者勸助齋靜讀經令人世世不墮地獄即

昇天堂禮見眾聖速得及形化生王家在意

子九

十一

所欲玩服備足子九七祖同歡善緣悉會終始榮

樂法輪運至將得仙道貴貴六人受寶軒

八者勸助道士眾入經學令人世世有智洞

達動靜威儀常為人所敬無去慈身以眾善令

九者勸助一切布施諫諍令人世世壽考富

樂常无怨惱
十者勸助一切人民除嫉去慾履行眾善令
入世世安樂禍亂不生病者自愈仕宦高遷
為眾所仰莫不吉祐門戶清貴六人愛育神
魔敬讓常生福地

右出洞玄智慧上品經

洞神三界戒
帝栗陸氏說受經戒日宜各努力急共勤行
故重丁寧諦受之

第一戒者諦識因緣勿忘本逐末

第二戒者諦守少私勿利我損物

第三戒者諦習勤行勿混任失真
右三上戒出皇所重上帝所奉上士所修修
行奉持全而不破三氣正神降輿為一身神

又一二無二焉得道常存號曰太上不行此
戒服佩符文勞而無驗非太上弟子

洞神五戒

黃帝曰人不持戒吏兵不附其身所得無驗
徒勞用心若不信至道承事師若欲使吏兵

防身護命却死來生獲疾延壽為人消災救
治厄患存思求微剋期取驗者受五戒無劍

第一戒者目不貪五色誓正教學長生

第二戒者耳不貪五音願聞善從無惑

第三戒者鼻不貪五氣用法香造臭穢下出

子九

十二

第四戒者口不貪五味習胎息絕惡言

第五戒者身不貪五綵履勤勞以順道是為

五戒五老帝君各遣神十五神防護受持者

身然余輒受持者相不亡未幾火氣具吞大

洞神八戒守關司太上無利良問靈效大小

黃帝曰余嘗閑居太上垂降見問經戒大小
始終余雖受持多所不了未測次序具啓太
上太上答曰凡諸戒律通應共行其間緩急
繁簡高卑各有意義准擬玄源變化生數皆
漸相成三五八九十百千萬雖隨緣所堪亦
不可越略知因向正法修長生不死三五兼
參宜受八戒

第一學解五備五德

第二勤習五事不可無恒

第三平理八正行藏順時

第四明識五紀與氣同存

第五精審皇極上下相和

第六修行三意期會三清

第七決定疑惑化偽入真

第八考校徵驗消禍降福鍊凡登聖無負三

尊此為八戒

凡人有心學求度世先能持戒解而不滯戒
無多少皆屬太无太无太空是戒根本守本
究末外惡自消內患不生又先修齋乃精能
通神命召速效久積塵垢蕩之須防不可闕

排頓盪雖建此心塵終不去魔來惱之更增
災咎防治此弊以戒為漸能持多少隨才所
堪犯則首悔改革自新令則又進得道有期

右出洞神經

正一五戒品

凡存一守五神要在正心心正由靜靜身定
心心定則識清清明則會道道會神符號曰
真聖動則忘一邪亂五神五神紛紜躁競煩
懣失道陷俗三業肆行違善造惡六通逕塞
七覺一昏貪欲無數無數之慾念念叢生不

可勝言大略有五

一曰目欲觀五色色過則使鬼勞

二曰耳欲聞五音音繁則鬼苦

三曰鼻欲嗅五香香溢則精流

四曰口欲甘五味味豐則神濁

五曰身欲恣五體體慢則志散志散則脾傷

而色神濁則心亂而口爽精流則腎虛而迷

狂鬼苦則肺損而耳聾鬼勞則肝困而目盲

五者混闇則身滅命亡五者淨明則體全年

永年永在於持戒能持五戒可以長生

一曰行仁慈愛不殺放生度化內觀妙門目

久久視肝冤相安

二曰行義賞善伐惡謙讓公私不犯竊盜耳

子玄音肺鬼相給

三曰行禮敬老恭少陰陽靜密真正無姪口

先

十四

盈法露心神相和

四曰行智化愚學聖節酒無氏腎精相合

五曰行信守忠抱一幽顯效微不懷疑惑始

終無忘脾志相成成則名入正一一入無復

憂慮五欲既遣五惡自消五災永滅五苦長

乘五神既定五善自興二福日盛五樂唯新
為右出正一法文為限人五一一人無虧
正曰百司中出此一幽顯交終不射與海
四曰百司中出此一幽顯交終不射與海
无上秘要卷之四十六

无上秘要卷之四十七

太上齋戒品

太極真人曰夫學道以齋戒為本也誦經必
齋校經必齋書經必齋書符必齋篆籙必齋
作金丹必齋詣師請問必齋禮拜必齋受經

必齋救病消災必齋致真人必齋齋者

太上所敬重老君所營護諸聖所倚賴齋法

甚多在此所受修

直心齋好為本凶醜惡也

太極真人曰夫人清齋又靜精思耽玄誦經
悔罪燒香禮拜將見飛天人矣仙童玉女降

子九

十五

於子矣或聞空中為稱善或光影照身或聞
金玉之響八音之聲皆子道欲成也懃之懃
之太上不負子矣所以患子不固不盡不終
是以仙道之難

東晉謝安中靈必以太玄耶

右出洞玄太極隱注經

太極真人曰常念齋誅經行大慈先人後身
揚善化惡斷絕衆緣滅念守虛心如太玄唯
道是求始謂能言神仙之道也固不盡不

金右出洞玄安志消魔經

高上老子曰夫道家所先莫近于齋齋法甚

多大同小異其功德重者唯太上靈寶齋但
世希能學之美學之者皆大乘之士前世積
慶所鍾去仙近也又有三天齋法與靈寶相
似論齊人之齋皆曰上真入玄同於太上

仙公曰三天齋者是三天法師所受之法名

曰旨教經抑亦其次但天書弘妙非世賢可
思能究之者皆上仙真人玄同於太上者也
故中仙及天人莫有闕其文旨矣徒見而不
知復何所言哉

高上老子曰清齋誦經修德立功仙道亦自

成何必藏山藪也直欲避可慾去穢亂耳山
林非獨有道者

河右出洞玄請問上經

仙公登勞盛山靜齋念道是日中時有地仙

道士三十三人詣座燒香禮經都畢各還仙

處安住如也

仙公曰天師言月旦十五日能齋於靜室讀
所受道經及諸仙道迹者皆當為後聖之民
生值斯世豈不樂乎

右出洞玄衆聖難經

子九

十六

天尊言道尊法妙人身亦貴故道開法遺戒
經文以度人身人身既度上與道同宜為精
行持齋奉戒夷心靜默志念分明一意歸向
專想不二滌蕩六府過中不味內外清虛每
合自然是其齋日捻香啓願應心上徹四天

司邏十部威神即下履行觀聽法音監映爾
心如戒行道皆列功諸天禍福立彰道不負
人
天尊言建齋行道四天帝王皆駕飛雲綠輶
八景玉輿侍從真人玉女手把華幡前導鳳
謁後從天鈞白鶴獅子嘯謁邕邕燒香散花
浮空而來瞻禮行道觀聽法音天王下降萬
靈朝焉

右出洞玄智慧大戒經

太上道君時於南丹洞陽上館栢陵舍稽首

禮問

元始天尊自顧宿世福慶因緣億劫運通得
會聖明昔蒙顯擢過忝上真加見訓喻三寶
神經賜以大戒告以法音過秦之歡實為无
量自受訓厲長齋空山遵承法戒不敢怠倦

子九

十七

道業成就開度天人一切男女普見法門

右出洞玄智慧罪根戒經

道言昔有道士持齋誦經有一凡人為賃作
治除齋堂道士見其用意至日中持齋因喚
與同食食竟為其誚法語此賃人令隨吾持

齋功德甚大可至明日中時復食勿壞爾齋
徒勞無益能如此者將可得免見世窮厄此
人稽首受戒而去暮還家其婦一日待壻還
食壻具以道士戒言喻婦其婦不解遂致嗔
怒貧人不能免其婦意遂壞其齋與婦共食
其後命過天使其主蜀山千歲樹精恒給其
中食其樹茂盛暑夏之月有精進賢者三人
經過依樹而息賢者歎曰此樹雖涼日已向
中何由得食此人於樹空中曰當爲賢者供
設中食無所爲憂須臾食至賢者共食食竟

言曰我今覓道在何許即此自然豈非道也
因問樹曰不審大神可得暫降形見與不此
人於樹空中答曰我非能使人得道者也具
說姓字處所昔常爲道士勸使持齋爲婦人
所壞功德不全致令使我守此樹精不能得
出天以我昔經齋中食今每至中給我齋食
口腹之饒無緣得遷欲屈賢者爲至我舍道
我如此能爲我建三日齋戒我身便昇賢者
感此人意爲尋其家具以其言語家人如此
家人即爲建齋請諸道士燒香誦經三日謝

過此人即得飛行昇入雲中於景霄之上受
書為遊散仙人故齋之功德甚重不可不修
此人半日持齋死經一日即得出身不拘一
年而得為仙故天計功過明知不虧也夫為
學者可勤持齋戒以期冥感能修之者必獲

子九

十六

昇騰之舉

右出洞玄本行妙經

太極左仙公於天台山靜齋拔罪燒香懺謝
忘真念道一百日中神明髣髴於空玄之上
雲景煒燦若存若亡或飛或集曲映齋堂仙

公自覺苦徹遐感天真於是研思玄業志勵
殫勤齋未一年遂致感通上聖迂降曲眇幽
房以元正之月庚寅日夜忽有飛雲丹青八
景玉輿寶蓋洞曜流煥太无燒香散華浮空
而來千乘萬騎不可稱焉

右出洞玄真一勸戒法輪妙經

受法持齋品

洞真太上神虎玉經

右師對齋九十日或三十日或七日

金虎真符

右受之者先齋七十日

洞真太上黃庭內景玉經

右受者齋九日或七日或三日

洞真消魔金元百神內祝隱文

右師對齋八十日或二十七日

洞真高上滅魔神慧隱書

右凡受玉清隱書先清齋七十日齋一百

洞真金房度命綠字迴年真經

右師弟子各齋九日或三日四日又告齋

洞真大洞真經三十九章日中齋十日可

師右師與弟子對齋一百日中齋七十日下

齋三十九日齋六日齋三日

洞真金元八景玉籙經

右當先清齋三年或齋七十日或齋一百

師四十日

洞真素靈大有妙經

師右受者告齋百日或三十日

洞真九真中經

右傳授法人各共對齋二十四日又告齋

師前後各一日

洞真太丹隱書元經

右傳授之際各齋七日或十日先後又一

即日告齋

洞真紫度炎光神元變經

右凡受經詣師清齋三日

洞真青要紫書金根上經

右師與弟子對齋七百日又對齋九日或

師三日關三圖七星鍊鍊

洞真太上飛行羽經

師右授者當清齋百日或三十日

洞真迴元九真飛行羽經三十日

右授者清齋三月

洞真天關三圖七星移度經

右師弟子對告齋七日日又懺齋六日

洞真除六天之文三天正法經

子九

二十

右男受投書不祭女受當祭不投書皆齋

七日或三日四女齋

洞真八素真經齋三日

右師弟子皆清齋七日

洞真太霄琅書瓊文帝章六日

右師弟子清齋九十日或九日

洞真智慧觀身大戒品經

右師弟子對齋三日

洞真黃素四十四方經

右師及弟子各齋四十五日

洞真九赤班符五帝內真經

右弟子與師對齋四十日或七日

洞真金真玉光八景飛經

右師弟子對齋九十日

洞真太上曲素訣辭

右師弟子對齋三日又齋七日

洞真黃氣陽精藏天隱月上經

右師與弟子對齋九十日或二十七或

三日與洞真齋四十五日或十日

洞真九靈太妙龜山元籙經

子九

二十一

右師弟子對齋百日或七十日

洞真太上玉檢三元布經

右受此文齋九十日或對齋七十日或二

洞真十七册金齋太極金書上經

洞真九丹上化胎精中記經

或三十日

右師與弟子對齋九十日或三十日

洞真玉珮金鐺太極金書上經

右師弟子對齋百日或三十日

洞真七聖元紀迴天九霄經

右師弟子對齋九十日或三十日

洞真太上素奏丹符靈飛六甲經

右受者對齋七日

洞真三華寶曜瓊文琅書靈曜上籙七晨素

經凡三訣

右師弟子對齋六十日或三十日

洞真隱書龍文八靈真經二訣

右師弟子對齋五十日

洞真玉清神虎內真紫文丹章二訣

右師弟子對齋三十日

洞真玉清隱書四卷八訣

右師弟子對齋二十七日

洞真金書秘字上元真書

右師弟子對齋九日

洞真太清真經丹字紫書三五順行凡三訣

右師弟子對齋百日

洞真紫微始青道經倉元上籙

師右師弟子對齋九日書三五齋以三日

洞真太微黃書八卷

師右師弟子共齋九十日或三十日

洞真三元流珠經玉帝九鍊上真八道命籍

子九

二十二

金仙紫字凡四訣八卷

師右師弟子各告齋九十日

洞真玉精洞元三氣金章太極綠景真經四

卷二訣卷七書各以十日

師右師弟子對齋三十日書以三日

洞真上皇玉錄五帝黃錄紫書凡三卷

右師弟子對齋各九十日

洞真青牙始生經丹景道精經還童採華法

凡三卷

右師弟子對齋二十日

洞真金房度命錄字迴年三華寶曜景真經

右師弟子對齋九十日

洞真解形遯變流景玉經

右師弟子對齋百日

洞真還晨中玄紫虛玉帝所受上玄虛生之

章

右師弟子共齋九十日

洞真紫鳳赤書八景晨圖二卷

右師弟子對齋九十日或三十日

洞真寶洞飛霄絕元金章

右師弟子對齋二十七日

洞真雌一玉檢五老寶經靈書紫文

右師弟子對齋九十日

洞真消魔智慧七卷

右師弟子對齋九十日或三十日

洞真飛步天綱躡行七元白羽黑翮飛行羽
經

右師弟子對齋九十日

洞真三九素語玉精真訣八素真經服日月
黃華一名八坦四門高上經八卷太霄琅書

瓊文帝章三訣十卷

右師弟子對齋百日或三十日

洞真丹景道精隱地八術

右師弟子對齋八十日

无上祕要卷之四十七



